

康熙五十二年癸巳十二月十三日子昂錫處承重文記

右文為立宗事凡家立宗莫大重事而余以累代奉祀之家
自長子夭折之後有意定嗣泪沒喪憾自甫遷延未果至今
遭此无妄之厄未免配謫之禍暮境他鄉身病纏劇顧念身
世不覺痛哭心上恨結不一而足而至於後嗣尤有所關心處
也嗚呼亡子麟錫夫婦不幸相繼俱歿汝父痛結之情豈特
哀死而已承重之子無后而死尤有所不能已者渠雖無子
汝既有子則非不知以汝之子繼麟錫之後以承宗嫡而第念
汝之四子長者尚乳汝父之病自知難醫則累代之祀決
難付之於嬰兒而迭遷之促於余心有所感愴噫立後成宗
雖是古今之常經而兄亡弟及抑亦凡家之通行則余之以
汝為宗是乃人情之所不得已者也茲以歸宗於汝以汝為宗
子汝其奉遵此意承我宗祀以汝之第三子為亡子麟錫
之後依次子例施行汝等兄弟知悉奉行幸甚

父折衝將軍行龍驤衛副護軍善

門宗

三從弟幼學壽徵

承

筆執

女婿幼學李柱嵩